



KEMENTERIAN PELANCONGAN,  
SENI DAN BUDAYA  
JABATAN KEBUDAYAAN  
DAN KESENIAN NEGARA

# KENYATAAN MEDIA

[www.jkkn.gov.my](http://www.jkkn.gov.my)

UNTUK SIARAN SEGERA

Bil.8 /2023

**“ALERT”**: 400 peserta yang terdiri dari pelajar IPTA/IPTS menyertai Bicara Tokoh Seni Budaya 2023 anjuran Jabatan Kebudayaan dan Kesenian Negara di UiTM Puncak Perdana Shah Alam.

## SENI PERSEMBAHAN PEMANGKIN EKONOMI DAN KERJAYA

**SHAH ALAM, 14 Jun 2023** – Kementerian Pelancongan, Seni dan Budaya (MOTAC) menerusi Jabatan Kebudayaan dan Kesenian Negara (JKKN) mengadakan Bicara Tokoh Seni Budaya ‘Seni Persembahan Pemangkin Ekonomi dan Kerjaya’ hari ini bertempat di Ruang Eksperimental, FiTA UiTM Puncak Perdana Shah Alam, Selangor bermula jam 2.00 petang.

Program ini berkonsepkan bual bicara mengenai pencapaian serta kejayaan tokoh, penggiat seni yang sedang meningkat naik atau tokoh muda serta membicarakan mengenai formula kejayaan serta inovasi tokoh dalam bidang tertentu. Tujuannya adalah bagi memberi penghargaan kepada tokoh yang terpilih untuk mengadakan sesi dialog tentang riwayat kehidupan mereka sebagai anak seni yang berjaya, serta memberi peluang kepada peserta mendekati dan beramah mesra serta berkongsi pengalaman dan kejayaan dengan tokoh tersebut.

Antara panel jemputan yang akan berkongsi pengalaman sempena program ini ialah YBhg Dato' Tamimi Siregar (Tokoh Teater), YBhg Dato' Ramli M.S (Tokoh Muzik) dan YBhg Datin Marion F. D'Cruz (Tokoh Tari). YBhg Prof Madya Dr. Aminah Rapor, Pengajian Seni Persembahan, Kolej Pengajian Seni Kreatif UiTM akan menjadi moderator sepanjang sesi tersebut.

Program ini akan diserikan lagi dengan kehadiran YBrs. Encik Mohd Amran bin Mohd Haris, Timbalan Ketua Pengarah (Dasar dan Perancangan) Jabatan Kebudayaan dan Kesenian Negara (JKKN) dan juga YBrs. Profesor Dr Shahanum Md Shah, Penolong Naib Canselor Kolej dan Pengurusan Kreatif UiTM.

“JKKN sentiasa berusaha melahirkan pelapis bagi pemuliharaan seni budaya negara. Paling penting adalah mereka dapat mengetahui seni budaya ini juga adalah pemangkin bagi ekonomi negara dan juga kerjaya mereka”. Kata YBrs. Encik Mohd Amran bin Mohd Haris Timbalan Ketua Pengarah (Dasar dan Perancangan) JKKN dalam kenyataannya hari ini.

Bagi mendapatkan maklumat dan keterangan lanjut mengenai program ini, orang ramai boleh melayari media sosial JKKN melalui pautan [www.facebook.com/mysenibudaya](http://www.facebook.com/mysenibudaya).

**-TAMAT-**

**Dikeluarkan Oleh:**

Unit Komunikasi Korporat  
Jabatan Kebudayaan dan Kesenian Negara  
Tel: 03-2614 8200 Faks: 03-2697 0786

**Laman Sesawang:** [www.jkkn.gov.my](http://www.jkkn.gov.my) **E-mel:** [ukk@jkkn.gov.my](mailto:ukk@jkkn.gov.my)

**Platform Media Sosial Rasmi JKKN:**

Facebook: @Jabatan Kebudayaan dan Kesenian Negara dan @mysenibudaya  
Instagram, Twitter & YouTube: @mysenibudaya

**Untuk Pertanyaan, Sila Hubungi**

Mazidah Binti Mustapha Pengarah Unit Komunikasi Korporat, JKKN <a href="mailto:mazidah@jkkn.gov.my">mazidah@jkkn.gov.my</a> Tel: 03-2614 8200 / 012-952 2095	Eldawati binti Laung Pegawai Kebudayaan Unit Komunikasi Korporat, JKKN <a href="mailto:eldawati@jkkn.gov.my">eldawati@jkkn.gov.my</a> Tel: 03-2614 8200 / 019-8091805
--	---